



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

Augustinus
Ser. 18. de
Verbis A-
post.

Christianorum felicitas, ait D. Augustinus, quibus datum est, ut paupertatem faciant pretium regni celorum. Ne tibi displiceat paupertas tua: nihil eâ ditius inueniri potest. Vis nosse, quàm locuples sit? Cælum emit. Quibus hoc thesauris conferri poterit, quod paupertati indultum videmus? Ut ad regnum celorum veniret, diues possessione suâ obtinere non potuit: nunc obtinet, ut eâdem contemptâ perueniat. Huc nobis collimandum est, si veræ sapientiæ candidati esse volumus. hæc nobis debet esse summa votorum, alioqui si vagis per noxia & inexplorata cupiditatibus obsecuti fuerimus, nullum votorum nostrorum actionumque scopum reperiemus, nihil in quo desiderium nostrum animusque conquiescat; sed ex alio in aliud incerti ac nauseabundi prouoluemur, non absimiles otiosis illis & oscitabundis, qui coruos passim testa que lutoque persequuntur. Perstringit illos Ecclesiastes mox versu sequenti.

SECTIO QVARTA.

ECCLESIASTES.

VERS. 9. Melius est videre quod cupias, quàm desiderare quod nescias. sed & hoc vanitas est, & præsumptio spiritus.

METRICA PARAPHRASIS.

QVAM pragnans hominum turba petacibus
Votis, noui cupidinis
Semper parturiat monstra recentia,
Nec expleat diram sitim,

Testan-

Testantur vario templa anathemate,
Aræque pingues sanguine,
Fanorumque graues exuviis tholi.
Quis non libello supplici
Porci consociat lauta tomacula, aut
Mercis Sabæe fumulos?
Incerare deum multiplici femur
Quosdam tabellâ rideas.
Quin ingens etiam te capiat stupor,
Si, quos vibrantibus labris
Seducto fatui numine mussitant
Precum susurros, hauseris.
Hic gazas Arabum, aut diuitis India
Exposcit immodicâ prece,
Aut quas sepositi climatis institor
Fremantibus vehet Notis.
Heu cæcus nimium, quàm saties opum
Contingat in magnis minor!
Est qui celsa petat culmina Principum:
Sed lapsui gradum struit.
Rhamnus nobilium degener arborum
Sceptro potiri gestiens,
Fatali platanos, & Libanitidas,
Secum igne funerat cedros.
In votis Hecubæ posteritas fuit,
Densique natorum greges:
Sed regno exitium Laomedontio,
Et patriæ effudit facem.
Et quis non sociam coniugij ambiit
Florentibus nympham genis?
At non cui potior forma, pudicior,
Et bella formosæ cient.

X x

Starent

Starent res Priami, ni tibi, Tyndari,
 Rideret in vultu Venus.
 Felix Ifacides, si species tibi,
 O! Bethsabæa sit minor!
 Est qui delicias portum animæ autumans,
 Huc vela votorum regit:
 At Circes adigens in scopulos ratem,
 Mox ora brutorum induit.
 Quid cæco fatui pectoris impetu
 In vota mortales ruunt?
 Quid tales auidi concipiunt preces,
 Quæ non nisi insensò ratæ
 Possint esse Deo? Tutius improbæ
 Ah turba mortalis spei
 Contracto cohibes vela cupidine,
 Nec corde quidquam concipis,
 Aut votis superos supplicibus rogas,
 Ni consonum Menti Bonæ
 Dictarit ratio, aut postuma spondeat
 Beatitatis præmia.
 Qui voti immodicus cuncta cupidinis
 Cæco abligurit gurgite,
 Incertisquæ bonis exacuit sitim,
 Cuncta ore delibans vago,
 Annon esse putes mentis huic parum,
 Aut arrogantia nimis?

PROSA EXEGESIS.

VTRUMQUE fateor: & arrogantiam quidem homi-
 num quidlibet temerè atque inconsultè vouen-
 tium, proximâ Sectione cum Ecclesiaste notabo; nunc
 eorum dementiam castigare pergam, quæ ex eo ma-
 nifesta

Stulta mor-
 talium vo-
 ta.